

Бақара сураси, 115-оят

08:40 / 12.11.2017 6362

Машриқу мағриб Аллоҳникидир, қаёққа юзлансангиз, Аллоҳнинг юзи ўша ерда. Албатта, Аллоҳ қамрови кенгдир, ўта билувчидир. Бақара 115.

Бутун ер юзи, мағрибу машриқ мусулмонлар учун масжид қилинган. Чунки ер юзи Аллоҳ таолоники. Унга ибодат қилмоқчи бўлган одам ҳар қандай жойда қилса бўлаверади.

Кофирлар масжидга киришни ман қилгани ёки уни бузиб юборгани билан Аллоҳга ибодат қилиш имкони тугаб қолмайди. Қайси жойда ибодат қилсангиз ҳам, Аллоҳ Ҳозир, ибодатни қабул қилувчи Унинг Ўзи. У раҳмати – қамрови кенг, ҳамма нарсани билувчи Зотдир, бандаларининг барча ишларини қамраб олади ва билиб туради.

Шундан маълум бўладики, «Кимдир масжидни ёпиб қўйди, ибодатни ман қилди» деган баҳона билан ибодатсиз юрмоқчи бўлганлар мутлақо нотўғри иш қиладилар.